

三才廣志

廣誌卷之四百六十三

居官

呂居仁官箴當官之法唯有三事曰清曰慎曰勤
知此三者可以保祿位可以遠耻辱可以得上之
知可以得下之援然世之仕者臨財當事不能自
克常自以為不必敗持不必敗之意則無所不為
矣然事常至於敗而不能自己故設心處事戒之
在初不可不察借使役用權智百端補治幸而得
免所損多已不若初不為之愈也司馬子微坐忘
論云與其巧持於末孰若拙戒於初此天下之要
言當官處事之大法用刀簡而見功多無如此言
者人能思之豈復有悔吝耶

事君如事親事官長如事兄與同僚如家人待群

吏如奴僕愛百姓如妻子處官事如家事然後為
能盡吾之心如有毫末不至皆吾心有所未盡也
故事親孝故忠可移於君事兄弟故順可移於長
居家理故事可移於官豈有二理哉當官處事常
思有以及人如科索之行既不能免便就其間求
其所以使民省力不使重為民害其益多矣不與
人爭者常得利多退一步常進百步取之廉者得
之常過其初約於今者必有重報於後不可不思
也惟有能少自忍者必敗此實未知利害之分賢
愚之別也

予嘗為泰州獄掾顏政夷仲以書勸予治獄次第
每一事寫一幅相戒如夏月取罪人早間在西廊
晚間在東廊以辟日色之類又如獄中遣人勾追

之類必使之畢此事不可更別道人怨其受賂已足不肯畢事也又如監司辟守嚴刻追當有須平心定氣與之委曲詳盡之相從而從已如未肯從再當如此詳盡其不聽者以矣當官之法直道為先其有未可一向直前或直前及敗大事者須用為宣徽惠穆秤停之說此非特小官然也為天下國家當知之

黃允則中嘗為予言頃為縣尉每遇檢尸雖盛暑亦先飲少酒捉鼻親視人命至重不可避必臭穢使人橫死無所申訴也

范侍郎嘗作庫務官隨人箱籠只置廳上以防疑謗凡若此類皆守臣所宜詳知也

當官既自廉潔又須閑防小人如文字厝引之類

皆須明白以防中傷不可不至慎不可不詳知也
當官者難事勿辭而深避嫌疑以至誠遇人而深
避文法如此則可以免

前輩常言小人之性事務苟且明日有事今日得
休且休當官者不可徇其私意忽而不治詭有之
曰勞心不如勞力此實要言也

徐丞相擇之嘗言前輩盡心職事仁廟朝有為京
西轉運使者一日見監窯官問日所燒柴凡幾竈
曰十八九竈曰吾所見者十一竈何也窯官愕然
蓋轉運使晨起望窯中所出烟幾道知之其盡心
如此

前輩嘗言吏人不怕嚴只怕讀蓋當官者詳讀公
案則情偽自見不待嚴明也

當官者凡異色人皆不與之相接巫祝尼媼之類尤宜踈絕要以清心省事為本

後生少年乍到官守多為猾吏所餌不自省察所得毫末而一任之間不復敢舉動大抵作官嗜利所得甚少而吏人所盜不貲矣以此被重譴良可惜也

當官者先以暴怒為戒事有不可當詳處之必無不中若先暴怒只能自害豈能害人前輩嘗言凡事只怕得待者詳處之謂也蓋詳處之則思慮自出人不能中傷也

嘗言前輩作州縣或獄官每一公事難決者必沉思靜慮累日忽然若有得者則是非判矣是道也惟不苟者能之

處事者不以聰明為先而以盡心為急不以集事為急而以方便為上

孫思邈嘗言憂於身者不拘於人畏於己者不倣於制慎於小者不懼於大戒於近者不侈於遠於此則人事畢矣實當官之要也

同僚之契交承之分有兄弟之義至其子孫亦世譜之前輩專以此為務今人知之者蓋少矣又如舊舉將及舊嘗為舊任按察官者後已官雖在上前輩皆避生下坐風俗如此安得不厚乎

叔魯祖尚書當官至為廉潔蓋嘗市縑帛欲製造衣服召當行者取縑帛便縫匹就生裁取之并還所直錢與所剩帛就生中還之滎陽公為單州凡每月所用雜物悉書之庫門買民間未嘗過此數

民皆悅服。聞沿止叔獲盜法。當改官。曰：不以人命劫官。終不就賞。可謂清矣。然恐非通道。或當時所獲盜。有情輕法重者。止叔不忍。以此被賞也。

當官取傭錢。般家錢之類。多為之程。而過受其直。所得至微。所喪多矣。亦殊不知此數。亦吾分外物也。

當官者前輩多不敢就上位求薦章。但盡心職事。所以求知也。心誠盡職。求之雖不中。不遠矣。未有季養子而後嫁者也。當官遇事。以此為心。鮮不濟矣。

畏辟文法。固是常情。然世人自私者。常以文法難任。委之於人。殊不知人之自私。亦猶己之自私也。以此處事。其能有濟乎。其能有後福乎。其能子孫

昌盛乎

當官處事務合人情忠恕遠道不遠觀於己而得之未有舍此二字而能有濟者也嘗有人作辟字延一術士同書室後術士以公事干之大怒叱下竟致之理杖背編置招延此人已是犯義既與之稔熟而干以事公亦人常情也不從之足矣而治之如此之峻殆似絕滅人理

嘗謂仁人所處能變虎狼如人類如虎不入境不害物蝗不傷稼之類是也如其不然則變人類如虎狼凡若此類及告訐中傷謗人欲寘於死地是也

唐充之廣仁賢者也深為陳鄒二公所知大觀政和間守官蘇州朱氏方盛初充領利錢之朱氏深

以為怨傳之罪刑畀之以為充之為善欲人之見
知故不免自異以致禍患非明哲保身之謂

當官大要直不犯禍和不害義在人消詳斟酌之
爾然求合於道理本非私心專為己也

當官處事但務着實如塗櫟文書追改日月重
抑字萬一敗露得罪反重亦非所以養誠心事居
不欺之道也百種姦偽不如一實反復變詐不如
慎始防人疑衆不如自慎智數周密不如省事不
易之道事有當死不死其詬有甚於死者後亦未
免死當去不去其禍有甚於去者後亦未必得安
世人至此多惑亂失常昏不知輕重義之分也此
理非平居熟講臨事必不能自立不可不預思古
之教委實事人其父兄日夜先以此教之矣中村

以下豈臨事一朝一夕所能至哉教之有素其心安焉所謂有養也

忍之一事衆妙之門當官處事尤是先務若能慎勤之外更行一忍何事不辦書曰必有忍其乃有濟此處事之本也謹曰忍事敵災星少陵詩云忍過事堪喜此皆切於事理為世大法非空言也王沂公常說喫得三斗醖醋方做得宰相蓋言忍受得事

劉器之建中崇寧初知洛州部使者觀望治辟中事無巨細皆詳考然竟不得毫髮過雖徃驛券亦無違法予者部使者亦嘆伏之後居南京有府戶取兵官白直點磨他寓居無有不借禁軍者器之未嘗借一人其廉慎如此

故人龔希亨承掌為予言後生當官其便令人
無乞丐錢物處即此職事可為有乞丐錢物處則
此職事不可為蓋言有乞丐錢物處人多陷主人
以利或致嫌疑也

前輩嘗言公罪不可無私罪不可有此亦要言私
罪固不可有若無公罪則自保太過無任事之意
范忠宣公鎮西京日常戒屬官受納租稅不要令
兩頭探或問何謂公曰賢問是也不要令人戶探
官員等候受納官員不要探納者多必然後入場
此謂兩頭探但自絕早入場等人戶則自無人戶
稽番之弊官箴終

官政

要語

書學古入官

詩不懈于位

羔羊委蛇委蛇退食自公

語政者正也子帥以正孰敢不正

襄二十二敬其朝夕恪居官次

成十六且侵官冒也失官慢也離局姦也

昭十一五大不在邊五細不在龐注言五官之長

專盛過節則不可居遠細弱不勝任亦不居朝廷

柳御史墓版回措枉造次秉直事不失當舉無

私政

政者正也治者為政之效也唐虞有三載考績之

法而熙廢績周人有六計獎羣吏之治而皆以廉

為本無非所以為吏治之政也自秦人罷侯置守

其所可考者多見於守令之職是以漢唐之際於
循良之吏每為之立傳而有職之士每每興嘆於
良吏之艱其人蓋以政非若不足以言治也我宋
立國三百年而服勞州縣者莫不求人政治而見
愛自王安石以經學禍天下反以滋吏治之弊中
興立國江左而仕於東南者凡其得於講明之餘
而見於設施之末無非政也則亦無非治也有志
於政主庇民者蓋亦以我宋臣子為法

書咸熙庶績一一並書

詩剛柔不一一不致政優優

左傳寬猛一一相濟政是以和從政季康子問仲
由求賜可使也一一與曰由也果求也藝賜也達
於從政乎何有

論語正身苟一其一矣於從政乎何有不能正其身如正人何

書經孝友惟一一于兄弟於于有政

論語政刑導之以一齊之以一民免而無耻德禮導之以一齊之以一有耻且格

古今事實

爭田質成

虞芮二國爭田而訟連年不決乃相謂曰西伯仁人也盍往質焉入其境則耕者讓畔行者讓路入其朝則士讓為大夫大夫讓為卿虞芮之君曰嘻吾儕小人不可以入君子之朝遂以其所爭為問曰家語

其棠名伯熊也歲帝拜棠勿剪勿伐召伯所蒞
始謗終誦

孔子相魯魯人謗曰孺裘而釋授之無郵及三月
政成化行民誦曰衣永章甫實獲我所章甫衣永
惠無我私孔叢子子產相鄭一年與人謂之曰取我
永冠而褚之取我田疇而伍之孰殺子產吾其與
三年之又謂曰我無子弟子產誣之我有田疇子
產殖之子產而死誰其嗣之

日吳不休

前漢薛宣守左馮翊及日吳休吏職曹掾張扶獨
不肯休坐曹治事

首抑豪強

後漢周紆為洛陽令下車問大姓主名吏以閭里

公為親父母 嘉禾郭州漢堂詩序

誇罪立名

李薨武后時為御史鞠獄係諸慘酷其訊罪人皆
有名如仙人獄果王士登梯牘子懸車驢見按振
鳳凰曉翅獼猴鑽火之類 唐朱松遺 周興為周欽官
侍郎性慘毒椎剋殘忍法外苦楚無所不為拷縛
罪人有仙鶴曉翅胡孫磔菴鬼揭鑽牛拔楔之名
楚人呼為牛頭夜叉 談賓錄

戲為判語

李自誠為長葛寧一雜職犯過乃戲判曰豈有終
日執之而不知其味者乎 同文補

能辨冤獄

錢若水為同州推官有富家小女奴逃亡不知所

之奴父母訟於州命錄事參軍鞠之錄事堂貸錢於富民不獲乃劾富民父子數人共殺女奴棄尸水中遂失其尸或為元謀或從而加罪皆應死富民不勝榜若自誣服州官皆以為得實若水獨疑之留其獄數日不決一旦詣州屏人言曰已密使人訪求女奴得之矣知州驚曰安在若水密使人送女奴於知州乃垂簾引女奴父母視之泣曰是也乃引富民父子悉破械縱之其人號泣不肯去知州曰推官之力也其人趣詣若水廳事若水開門拒之不得入繞垣而哭傾家貲餼贈為若水祈福

沐水

支散軍糧

王德用在定州一旦倉中給軍糧軍士以所給米

黑喧諱紛擾監官懼逃匿有四卒以黑米見德用
德用曰汝從我當自入倉乃往君專副問曰昨日
我不令汝給二分黑米八分白米乎叱從者杖專
副又呼四卒謂曰黑米亦公家物不給與汝曹當
棄之乎汝何敢乃尔喧諱如此欲求決配乎百拜
流汗乃捨之倉中盡然

清江記聞

應變倉卒

張華崔守城都兵火之餘人懷反側一日合軍旅
大閱始出衆遂蒿呼者三華崔亦下馬東北望而
三呼復攬轡行衆不敢誑趙濟畏之龍圖華崔孫
婿也嘗以此事告韓魏公公曰當是時某亦不敢
措置

忠貞堂錄

兩易爭業

張公詠知杭州有沈章訟兄彥均割家貨不平公
捷而遣之後半載公因過其所其下馬召章并彥
曰汝弟訟汝治家掌財伊幼小不知貨多火汝又
分之不均果乎彥曰均平章曰不均公曰兄之族
入於弟室弟之族入於兄家即時對換人莫不服

青雲
高議

判斬柳筆

韓魏公文潞公俱堂鎮北門方魏公將朝城令決
一守把兵士方二下輒悖焉不己知知縣以解府
魏公使前問云汝為長官 否曰當時乘忿實有
之公曰汝為禁兵既差在彼便有階級安可如此
即於解狀判領赴市曹處斬從容平和畧不變色
衆但見其緩筆方知有異至落公背裏有外裏詳

一卒如前者公震怒問之兵對如實亦判處斬而
柳筆以此見二公之量不同如魏公則彼自犯法
吾何怒之有不惟李術之妙亦天資之過人耳元城
年尊勤職

韓魏公勤于吏職簿書文檄檢察研覈莫不躬親
左右或曰公位重年耆功名如此朝廷賜守卿即
以養安幸無觀小事公曰已憚頃勞吏民當有受
獎者且俸祿日萬錢不事事吾何安哉

辨僧冤獄

向相在西京有僧暮過村民家求寄止主人不肯
僧求寢其門外車箱中許之夜中有盜入其家自
牆上扶一婦人并囊衣而出僧適不寐見之自念
不為主人所納而強求宿而主人亡其婦及財明

日必執我詣縣矣因夜亡去不敢循故道走荒草
中忽墮井則婦人已為人所殺先在其中矣明
日主人搜訪亡僧并子婦屍得之井中執以詣縣
掠治僧自証云與子婦姦誘與俱亡忽為人所
得因殺之投井中暮夜不覺失足亦墮其足駐在井
傍亡失不知何人所取獄成言府府皆不以為疑
獨敏中以賊不獲疑之引僧詰問數四僧服罪但
言某前生當負此人死無可言者敏中固問之僧
乃以實對因密使吏人訪其賊吏食於村店店聞
其自府中來不知其吏也問之曰僧某者其獄何
如吏詒之曰昨日已答死于市矣姬嘆息曰今若
獲賊則何如吏曰府已誤決此獄雖獲賊亦不敢
問也姬曰然則言之無傷矣婦人者乃此村少年

某甲所裁也吏曰某甲安在姬指示其舍吏就舍
檢捕捉之案問其服并得其贓一府以為為神速水記
不屑更事

向簡公敏中罷相出鎮多以更事為意冠某公雖
重名所至之處終日遊宴所愛伶人或村與富室
厚有所得然人皆樂之不以為非也記聞

又墜吏姦

包孝甫戶京號明察有緇戶犯法當杖春吏受賕
與約曰今見戶汝但號呼自辯我與汝分罪汝決
杖我亦決杖既而包引因問果分辯不已吏訶曰
但受春杖出去何用多言包謂其弄權杖之於庭
特寬囚罪止從杖坐不知乃為所賣青項

時未則為相

劉沆擢又正言知制誥陝西用兵沆見執政白事
翌日詣對極言得失 仁宗送其議於中書執政
不悅曰須舍人作相自行之沆曰宰相豈有常哉
時來則為之

禁絕異端

程明道先生任京兆鄠簿南山僧舍有石佛歲傳
其首放光男女聚觀晝夜雜處為政者畏其神莫
敢禁先生始至詰其僧曰吾聞石佛歲現光有諸
曰然戒曰侯復現必先白吾職事不能往當取其
首就觀之自是不復有光

行狀

脯龍折竿

明道先生為上元簿日茅山有龍池其龍如螭蜥
而五色祥符中中使取二龍至中途中使奏一龍

飛空而去自音嚴奉以為物神先生堂而牘之使人不惑其始至邑見人持竿道傍以黏飛鳥取其竿折之教使勿為及罷官鐵舟却外有數人共語自主簿折黏竿鄉民子弟子不敢畜禽鳥

墓誌

僕告其主

季孝壽知開封府有舉子為僕所凌忿甚亟縛之作狀欲送府會為同舍勸解久之氣亦平因釋去自取其狀戲季孝壽押字判曰不勘案決臀杖二十其僕怨之翌日即切其狀走府曰秀才曰季知府判狀私決人孝壽即令追之既至具陳所以孝壽翻然謂僕曰如此秀才所判正與我同貢不用勘案命吏氣讀其狀如數決之是歲舉子會省試且數千人凡僕聞之皆畏或無敢肆者當時亦祇

其敏 石林燕語

閹豎罰錢

鞠真卿守潤州氏有閹豎者本罪之外別令先豎者出錢與後應者小人斡財兼不憤出錢終日紛爭相視無敢下手者青瑣

作相不先急務

或謂趙丞相歿放混補歎息云方今大倫恁地不成模樣身為宰相合是以何為急却要急去理會這般事如何恁地不識輕重此皆是棄亂之態只看宣和末年蕃人將至宰相說甚事只看實錄頭一板便見且說大季裏秀才做時文不好有道是識世界否且如如今待補取士有甚不得如何道恁他便取得今才知彼使取不得人才只是亂說

先考

子路問政子曰一之

悅求

葉公問政子曰近者一遠者一

帥正

季康子問政子曰政者正也子帥以正孰敢不正

正名

子路 衛君待子而為政子曰必也一一乎名不

正則言不順言不順則事不成事不成則禮樂不
興禮樂不興則刑罰不中刑罰不中則民無所措
手足

無倦

子張問政子曰居之——行之以忠則敬

卷八

仲弓為季氏宰問政子曰先有司敎小過舉賢才
曰焉知賢才而舉之曰一爾所一爾所不知人其
舍諸

清靜

漢曹叅為齊相有蓋公好黃老術曰治道貴一
一自正恭避堂以舍之齊國大治

廉平

文景時循吏河南太守吳公蜀守文翁皆謹身率
死居以一不至嚴而人從化江都相仲舒內使
公孫弘見寬居官可紀也宣帝詔吏不廉平則治
道衰

治平

吳公——為天下第一

儒雅

張敞為京兆尹為政緣節飾以——

共理

宣帝曰庶民安田里而無讟者與我——此——其唯良二千石乎

民富

王成黃霸朱邑龔遂鄭弘召信臣所居——所去見思生有號榮死見奉祀庶幾德讓君子也

仁恕

唐陸象先為劍南按察使為奴尚——司馬常抱直諫曰公當峻罰以示威不然民慢且無畏荅曰政在治之而已何必刑罰以樹威乎卒不從而蜀

化民

寬惠

常恒為砥山全政——吏民愛之天子東巡州縣
供帳皆數朴迎辨恒不立威而事洽

無欲速

子貢為莒父宰問政子曰——無見小利欲速
則不達見小利則大事不成

不忍欺

鄭子產為政民——西門豹治鄴民不敢欺

莫不勸

譏愚黜遠去煩宥善——競——用賢治不肖用貴

治賤

聞其政

子禽問於子貢曰夫子至於是邦也必一一一求
之與抑與之與子貢曰夫子溫良恭儉讓以得之
夫子之求之也其諸異乎人之求之與

不立名

漢真不疑為官惟恐人知其為吏之迹一一一好
稱為長者

皆籍記

漢尸翁為東海郡中賢不肖有一一一

人存政舉

文武之政布在方策其一一一則其一一一其人亡則
其政息人道敏政

容民蓄衆

師君子以一一一見易

明政析微

賁君子以——庶——無敢——

不易其俗

齊其政————出禮記

以率其怠

為之政————出原道

長於治民

黃霸力行教化而後誅罰——在成就在全長吏其

材——務——也

人不取欺

韓延壽推至誠吏————

廉平不苛

龔遂————以愛利百姓為行未嘗答辱人

寬厚為師

蕭曹以——清靜——天下之——

九州惠愛

張萬福蒞——皆有惠愛

勲閎政績

李憲——家子弟歷皆以吏能顯——暴著

吏政不煩

馬稷精——事以文雅絢飾其——清淨——

善政致祥

尹思貞為青州刺史有績蠶至歲四熟黜陟使路

敬潛至部嘆曰是——乎表言之

慈惠為本

東滋遷華州刺史專以——

仁惠為治

殷侑拜義昌節度使以

不事威刑

常杭為永昌令輦鼓繁要杭而治遷中

丞

不威而治

滑毫節度使令狐彰死表李勉為代勉居鎮八年

以舊德方重

上下愛向

吳琬為人彊力儉勤未嘗擾民

所至惠愛

王質為吏

能惠養民

王端

政在養人

高宗咸亨初賈敦實為洛州長史亦寬惠人心懷
曰洛陽令楊德幹矜酷烈杖殺人以立威敦實喻
止曰一一一傷生過多雖能不足賢也德幹為
哀減

心與古今

李惠登朴素無季術而視人所為利者行之害者
去之率一所安指一一一政清淨居二十年田畝
闕戶口增人歌舞之

印紙書勞績

淳化四年審官院選京官充知州者三十餘人柳
前一一盾子上觀一一於其前曰公矜刑政惠愛臨

民奉法除奸方可以勞為一

嚴辦書姓名

呂夷簡以刑部郎中權知開封府一一有聲真宗
一其姓名於屏風范希文守饒州以嚴辦有聲宗
尚風化州人嚮之

邑人有矜式

陳襄寧仙遊縣作勸學一篇以諭民曰吾秩蒞去
亦有子弟亟遣就學於是——所——

響應便成風

明道先生所在臨政便上下————出遺書

蕭何求繼論

讀漢史者多曰曹參守蕭何之規日醉以酒民歌
之曰蕭何為去雖若畫一曹參代之守而勿失載

其清淨民以事一為其漢之二賢相也至矣哉論
曰非也暑牛之渴也豎子飲之停渾之汙牛渴已
久得停渾之汙寧顧於清冷之水乎設使豎子牽
之於清冷之水則糝乎腸中之泥也牛然後知亭
渾之汙不可終日而飲之百姓罹秦之渴已久矣
蕭何曰吾所以為法律是椎天下之草創也吾不
止此將致君為成康之君使民為成康之民是牽
民於清冷水也曹參日荒於酒惠帝訊焉參謂於
惠帝曰高帝則之陛下承之蕭何造之臣參遵之
陛下垂拱臣等守戢惠帝以為是也民又歌之也
嗚呼漢之民以漢之汙愈於秦之渴不知牽於清
冷之水糝於腸中之泥也

僚屬

說文比官為僚

詩云我雖異事及爾同僚

傳曰同官為僚僚屬為寮

書說惟暨乃僚罔不同心

周官命六卿分職各師其屬

同命曰謹簡乃僚

小宰其屬六十

大宰曰官屬以舉邦治禮記以官府之六屬舉邦

治

西漢曹參傳參代何為相擇郡縣吏長大訥於文辭謹厚長者為史言文刻深欲務聲名輒斥去之

通鑑漢光武紀州牧朱浮年少有俊才欲厲風俗
收士心辟召州中名宿皆引置幕府
漢陽紀梁商為大將軍辟洪陽巨覽上黨陳龜為
掾屬李固為從事中郎楊倫為長史
晉懷紀瑯琊王睿辟掾屬百餘人時人謂之百六
掾

晉簡文紀却起常為桓溫謀主謝安與王坦之見
溫溫使起卧帳中聽其言風動帳開安笑曰却生
可謂入幕之賓矣

宋太祖紀宜數引見佐史相見不數則彼我不親
不親無因得盡人情人情不盡復何由知衆事也
高祖紀房玄齡收采人物置之幕府

唐代宗紀馬燧為河東節度使辟兗州 張建封

為判官

唐懿宗紀路巖佐崔鉉於淮南為支使不十年主宰相

唐僖宗廣明元年鄭從諫充河東鄆度使自擇參佐從諫奏以長安令王調為鄆度副使前兵劉崇龜為鄆度判官前進士

劉崇龜為推官人謂之小朝廷言名士之多也通鑑

韓況在二浙所辟僚佐各隨所長無不得人出

唐德貞元二年

本傳竇憲平匈奴班固傳殺之徒皆置幕府以典文章

晉陶侃鎮武昌軍殷浩庾翼等皆為佐史時武昌

號為多士

本傳庾亮在武昌諸佐史商浩之後登南樓不覺亮至諸人將起避之亮曰詣君少住老子於此興復不淺便據胡床而坐與浩等談詠

王隱傳杜恕舉劉毅為功曹月餘日三魏稱焉為之語曰但聞劉功曹不聞杜府曹

孟嘉傳巨溫遊龍山僚佐畢集有風吹孟嘉帽隨嘉不之覺

世說晉書王微之有俊才少為桓冲參軍從冲值雨便下馬入冲車中謂冲曰豈有獨擅一車不容國士出乎

魏志太祖以陳琳阮瑀管記室軍國書檄多琳所作鍾會以中郎任大將軍管記室事為心腹之任

時人謂之子房

沈約傳蔡興宗謂諸子曰沈記室人倫師表宜善師之

唐本傳元稹長於詩書在越時辟實輦輦工於詩與之酌和號蘭亭絕唱

張建封傳許孟容韓愈皆奏署幕府有文章傳于時

劉晏傳晏部吏在千里奉教如目前

裴度傳裴度充淮西宣慰招討處置使仍以刑部尚書馬摠為副太子右庶子韓愈為彰義行軍司馬司勳員外郎李正卦都官員外郎馮宿禮部員外郎李宗閔等為兩史判官書記

唐書令狐楚為大原掌書記鄭儋在鎮暴卒不及

持撫後事軍中喧譁將變夜忽數十將持刃迫楚
至軍門諸將邀之令草遺表楚在白刃之中搦管
立成讀示三軍無不感泣由是名重

新唐書本傳薛牧與房杜慶腹心之寄薛元敬謹
畏未常申歎曲如晦曰小記室不可得而親不可
得而疎

舊唐書常思謙傳左肅機皇甫公義檢校沛王府
長史引常思謙為同府倉曹謂思謙曰公豈池中
之物屈公為數旬之客以望此府

本傳妻師德調江都尉楊州長史盧承業異之曰
子台輔器也當以子孫相諉詎論僚吏哉

古今事實

幕府

白集

幕府者以軍幕為義軍旅無常居止故以張幕言

之出李廣傳注以文行謀登雍容於一一之間

佐史

宋太祖紀宜數引見一一不數則彼我不親不親無因得盡人情

六翻

柳文奮一一翔千里以為轅門大府之重

一足

皮日休集非惜幕間一一地不容也

典文章

竇竇平匈奴班固傳殺之徒皆置幕府以典文章

戒談戲

事見江門陶侃投筭下

羅致幕下

朝文大夫烏公以鉄鉞鎮河陽之三月以石主
為才以禮為羅一而一之一一未數月也以濕
生為才於是以石生為媒以礼為羅又又而一
之一一

稱小朝廷

唐僖宗紀鄭從諱充河東節度使自捍參佐從
諱奏以長安令王調為節度副使前兵部員外
郎史館修撰劉崇龜為節度判官前進士崇魯
為推官人謂之小朝廷言名士之多也

字以腹心

薛氏與房相處心之——薛元凱語吳未嘗
歎曲如晦曰小記室不可得而親不可得而疎
委以子孫

婁師得調江都尉揚州長承異之曰子台輔器
也堂孫相委詎論僚吏哉
果之泛池

王儉用庾——為衛將軍長史蕭緬與儉書盛
府元僚每難其選庾景行——綠水依芙蓉何其
麗也時人以僚府為蓮花——故緬書笑之

却起入幕

却起為桓溫謀主謝安與王坦之見溫溫使起
卧帳中听其言風動帳開安笑曰——可謂——
之賓矣

陳蕃設榻

一一為豫章太守以禮請徐穉為功曹著在郡不接賓客唯穉來時特設一榻去則懸之

子猷往易

事見山門西山爽氣類

徵之馬曹

一一王為大司馬桓溫將軍蓬首散帶不綜府事又為車騎桓冲騎兵參軍從冲問鄉署何曹對曰似是馬曹又問管幾馬曰不知馬何由知數又問馬比死多少曰未知生焉知死

趙宗驢府

晉謝一一坐失議出為南郡王司馬人問定是何府趙宗慈望曰不知是司馬為是司驢既之

一政廳為司驛坐葉銅

值雨入車

世說王徽之有俊才少為桓冲參軍後冲一一便下馬一冲一中謂冲曰豈有獨擅一車不容國士乎

秉醉登床

嚴武鎮成都奏前拾遺杜甫為參謀官武與甫有世舊待過甚陰甫性褻躁放盜嘗醉登武床視武曰嚴挺之乃有此兒武雖急暴不以為忤

紗籠中人

原化記張建封鎮徐州奏李藩為州判有新羅僧能相人公令看取判官有得為相者否僧云並無公不快曰某妙擇賓僚豈無一人至相坐

者促召李判官至僧降階迎謂張公曰判官是
一一一宰相藩后果為相一之

豈池中物

左蕭機皇甫公儀檢校沛三府長史引常思謙
為同舍舍曹謂思謙曰公一一一之一屈公為
數旬之客以望此府

辨論獄詞

祠記范文正公以進士釋褐為廣得軍司理日
抱具獄與太守爭是非守盛怒臨之公不為屈
歸必記其往復辨論之語于屏上此此去字無
所容貪止一馬鬻馬徒步而歸

遣賜厨傳

聞見錄錢希深改陽永叔官洛陽時同遊嵩山

籍義抵龍門香山雪作留守錢文傳公遣吏以
除傳歌妓至且問勞之曰山行良勞當少留龍
門賞雪府事簡無遽歸也

賓僚避暑

鹿城北有使君林魏正始中鄭公慙於三伏之
際率賓僚避暑於此取大荷葉盛酒以葺刺令
與柄通屈莖上輪囷如象鼻傳喻之名爲碧筒
飲

府有三才

太傅府有三才裴邈清才潘陽仲大才劉慶孫
長才

居官類

同官

要語

左傳先蔑奔秦士會從之先蔑之使也荀林父止之曰同官爲僚吾嘗爲僚敢不盡心乎弗听及亡荀伯盡送其帑及其用財賄於秦曰爲同僚故也

左傳晉卻克將中軍韓厥爲司馬韓獻子將斬人卻克馳將救之至則斬之矣卻子使遠以殉曰以分謬也

穀詩我雖異事及爾同僚

皋陶謨同寅協恭

周禮冢宰以八法治官府三曰官聯以會官治注
謂國有大事官不能獨治則六官共舉之謂聯
事相佐助也

詩大雅我雖異事及爾同僚

禮五曰

官聯以會官治

左文七年同官為寮吾嘗同寮敢不盡心乎

前漢本傳直臣疑為郎舍同有告歸誤持同舍郎
金去

後漢陳重為郎同舍郎有告歸寧者誤持同舍郎
袴以去

唐太宗紀蕭瑀性狷介與同僚多不合

古今事賢

同官

年輩相遼

陸長源以勲德為宣軍司馬韓愈一巡官同在
使幕或戲年輩相遼周愿曰大蟲老鼠俱是十
二相屬何怪之有候緒

捐介寡合

蕭瑀性捐介與同僚多不合唐太宗紀

同列代貶

唐竇參為萬年尉同舍當夕直者聞親疾惶遽
參為代之會失囚京逃按直簿劾其人參曰彼
以不及調而徃參當坐遂貶人皆義之

同列相避

堂語爰盜素不好兆錯錯所居坐盜輒避盜所

居坐然亦避兩人未嘗同

德性居上

劉文靜自以才器以與在聚寢之右而位居其下意甚不平酒酣卷望技力擊柱曰會當斬裴

首

駢班居上

唐書唐尉遲敬德侍宴慶善宮有班其上者敬德云爾何功居上仁城王道宗解喻之敬德勃然擊道宗目眦眦太宗不悅

羞列老矣

漢書選先王為漢中王遣費詩拜關羽為前將軍羽聞黃忠為後將軍怒曰大丈夫終不羽老矣而列不肯受拜費詩謂羽曰昔高祖少

小謫舊而陳韓亡命後至諫其以列韓景居上
才聞蕭曹以此為怨君侯不受拜但為惜此
舉恐有後悔耳羽大感悟即受拜

取同新道

王仲舒召為中書舍既至同列率新進少年
屢不樂曰豈可授治筆硯於其間哉

中書喧競

鄭畋盧攜在同中書因議政誼競撲碎硯王繹
數曰不意中書有九解之事

同列兩罷

唐李紳為御史中丞宰相李逢吉忌其剛而端
愈勁直乃以愈為京兆尹兼大夫免臺參以激
紳紳愈果不相下詆訐紛然於是兩罷之

老韓同傳

齊王敬則與王儉齊拜議同三司徐孝嗣朝儉
曰今日可謂迎壁儉曰不意一子遂與一非一
敬則聞之無恨色

絳灌等列

唐明皇欲以牛仙客為尚書張九齡執曰不可
帝怒曰豈以仙客寒士嫌之耶卿固素有門閥
哉九齡曰臣荒陬孤生陛下過听以文學用仙
客擢胥吏目不知書韓淮陰一壯夫差絳灌等
列陛下必用仙客臣實耻之

周召不疑

成王幼周公攝政當國踐祚召公疑之作召奭
君臣不才周公乃稱湯有伊尹格于皇天於是

召公乃悅

廉藺相避

藺相如爲上卿居廉頗之右頗曰我爲趙將有攻城野戰之功相如徒以口舌爲勞而居上吾羞不意爲之下宣言曰我見必辱之相如聞常稱疾不欲與爭已而相如出望見廉頗引車避匿其舍人耻之欲辭去相如曰強秦之不敢加兵於趙者以吾兩人在也今兩虎共鬪其勢不俱生吾之所以爲此者先國家後私讐故也頗聞之肉袒負荆謝罪

寇賈極歡

寇恂拜潁川太守賈復部將殺人恂戮之復以爲耻謂左右曰吾與寇恂並列將帥而今爲

其所陷今見恂必手劍之恂知其謀不欲與相見谷崇曰崇將也得帶劍侍側卒有以變足以相當恂曰不然簡相如不畏秦王而屈於康頗者爲國也吾安可以忘之二人後卒極歡

李郭拓勉

唐安思順爲朔方節度使時郭汾陽李臨淮俱爲牙門都將二人不相能雖同盤飲食常睨目相視不交一言及汾陽伐思順臨淮欲亡許未決自曰詔臨淮汾陽半兵東出趙魏臨淮入曰一死固甘乞免妻子汾陽趨下持手上堂曰今國亂主遷非公不能東伐豈懷私忿時耶及別執手泣涕相勉以忠義訖平劇賊實二公之力

不失和氣

別錄韓魏公慶曆中與范希文韓彥國同在西
府上前爭事議論各別下殿各不失和氣如未
嘗爭當時相善三人正如推車子蓋其心主於
車可行而已不為己也

交致其情

高宗朝光世軍在馬家渡張俊軍在采石遂詔
光世以兵援世忠且令復移軍建康三大將權
相敵兼持私隙莫肯叶心上詔魏缸諭光世曰
賊衆我寡合力猶懼不支况軍目爲心將何以
戰為諸公計當滅怨隙不獨可以報國身亦有
利缸勸光世貽書二師以示無他傳為犄角已
而二師皆復書交致其情

同列平心

劉器之與東坡元祐同朝東坡勇於為義哉失
之過則器之必約以典故東坡至發怒曰何處
也上曳得一劉王言來知得許多典故或以告
器之則曰子膽固所畏也若恃其才欲變亂典
帝則不可又朝中有語云閩蜀同風腹有蟲
以二字各從蟲也東坡在廣坐作色曰書稱立
賢無方何得乃爾器之曰其不聞其語然賢言
無方須是賢者乃可若中人以下多係土地風
俗東坡默然至元符末東坡器之各請嶺海相
遇於道始交歡器之語人云浮華習盡去非昔
日子勝也東坡則曰器之鐵石人也

同列怨望

汲黯為內右史始列為九卿而公孫弘張湯為

小吏又弘雅貴與黯同位黯又非度弘陽已而
弘至丞相湯御史大夫黯時承史昔與同列或
尊用過之黯褊心不能無少望見上曰陛下用
郡臣如積薪耳後來者居上罷黯上曰人不可
以無學觀黯之言日益甚矣

不得共坐

賈復因鄧禹得召見署破虜將軍督盜賊復馬
羸光武解左驂賜之官屬以復後來好陵折等
輩調補鄆尉光武曰賈督有折衝之威方任以
職勿得擅除注曰時上置府官屬復與段孝共
坐孝曰君將軍督我大司馬督不得共坐復曰
俱劉公吏有何尊卑官屬以以為不遜

同列相仇

李文定公同丁晉公相 章聖以剛介嫉惡議
多不合一日因奏對乃以笏擊晉公由是並罷
相以本官歸班繼而中使押晉公復入中書文
定出知鄆州及 真宗晏駕 神文踐祚 章
憲明肅垂簾听政晉公挾前憤三月貶文定衛
州團練使宣獻行制誥稟所以責者晉公曰此
無他春秋之義君臣無將漢法所謂大不道耳
宣獻退而怪之曰文定安至此遂命以別辟然
常切齒焉晉公竟增兩句云懼此震驚遂至沉
預未幾晉公以擅移山陵貶崔州司戶參軍復
當宣獻行制於是首云無將之戒深著於魯經
不道之誅難逃於漢法文定孫世美言

居官類

同年

要語

會宴期集據言唐進士榜出謝後便往期集院狀元無與同年相見請一人爲錄事其餘主宴主酒主樂探花主茶之類咸以其言辟之

唐紀唐李紂相德宗元義方言其私同年許季同德宗問之曰人於同年有情乎紂曰同年乃九州四海之人偶同科第或登科然後相識於情何有若其果才雖在兄弟子始之中猶將用之同年乎詳見及第門悞提謂之同年

通鑑唐紀唐李紂相德宗人言其私同年許季同

德宗問之曰人於同年固有情乎糾曰同年乃九州四海之人偶同科第或登科然後相識於情何有若其果才雖在兄弟子姪之中猶將同之况同年乎

據言神龍以來杏園晏後於慈恩寺塔下題名同年中推善書者紀之

崔沆為主罰錄事同年盧彖俯近關宴請假往洛及同年宴於曲江亭彖微服縱觀為園司所發進士榜出謝後便往其集院狀元與同年相見請一人為錄事其餘主宴主酒主樂探花主茶之類咸以其年辟之俱捷謂之同年既捷列名於慈恩寺塔謂之題名大宴曲江亭謂之與江會在關試後謂之關燕

南郊新書大中以來禮部奏請取二三人選內
稀辨謂之色目人亦曰勝花

古今事實

同年

連轡九衢

劉禹錫送張盥赴舉詩序云吾不幸向所謂同
年友當其盛時——舉鑠亘絕——若屏風然
今來落落如星辰之相望

同年遠嫌

魏公遺事寇萊公在樞府上卻罷之萊公已知
乃遣人告冀公曰遭逢最久今出求一使相幸
同年贊之公曰將相之任極人臣之貴苟朝廷
有所授亦當懇辭豈得以此私有所干於人也

亟往問之萊公豈樂後上議準令出與一甚官
公曰寇準未二十年已登樞府

太宗甚器之準有才望與一使相使當方面其
風采足可以為朝廷之光上然之翌日降制
萊公捧使相告謝於上前感激流涕曰苟非
陛下主張臣安得有此命上曰王某知鄉具
道其言萊公出謂人曰王一一器識非準所可
測也公在相府抑私一一皆此類

同年父執

五代王祐父徹同光初與桑維翰一一登第拜
右怡道維翰入相祐以父同門生裁書自陳維
奇之禮待甚厚自是文價曰重

同年友婿

見錄王懿恪公歐陽文忠公同為翰林書公
子婿然文忠心少之文忠為參政時吏疑進懿
恪僕射文忠曰僕射宰相官也王拱辰非曾任
宰相者不可改東宮官以至拜宣徽使終身不
致執政蓋懿恪主李文靖文忠主范文正其黨
不同

一榜多人

尚書張詠嘗謂人曰吾榜中得人最多謹重以
雅望無如李文靖深沈有德鎮服天下無如王
公而折折廷爭素有風采無如寇公當方面寄
則詠不敢辭

同年三李

揮塵錄元祐中舒州有李亮工者以文鳴縉紳

間與蘇黃遊兩集中有與其唱和時李伯時以善丹青妙絕世且好古博雅多收三代以來鼎彝之類又有李元中字畫之丁追繼鍾王時号龍眼三李——登進士第出處相若約以先貴無相忘其後位俱不顯

同龍虎榜

唐貞元八年陸贄主司試明水賦御溝新柳詩其人賈稜陳羽歐陽唐李博李觀馮宿王涯張季友齊孝若劉遵右許季同侯繼莫贄朝愈李絳溫商庾承宣負結胡諒崔郾邢冊裴光輔万璫是年一榜多天下孤島備傑之士號龍虎榜

昌黎同榜

退敵之陽哀詞云八年春遂與唐文詞同考試

登第送侯參 赴河中幕云憶昔初及第各以
少年稱祭張季友云往在貞元俱從賓薦各以
文售幸皆少年又與陸負外書云往者陸相公
司貢士愈亦幸在得中其後一二年所與及第
者皆赫然有聲

契分稠疊

李摯與李敏同姓同歲同門同年登第摯詩曰
因緣三紀異契分四般同

同年無恩

唐王鐸楊牧皆薛逢同年牧作相逢有詩須知
金印朝天客同是沙堤避路人威鳳偶時皆瑞
聖應龍無水謾通神牧聞之怒王鐸作相逢又
有詩曰昨日鴻毛萬鈞重今朝山岳一毫輕鐸

又怒之

同年俱貴

向文簡敏中寇忠愍準二相同以太平興國五年登第後文簡秉鈞忠愍以使相守常安作詩寄文簡公曰玉殿登科四十年當僚友盡英賢歲寒惟有公兼我白首猶持將相權忠愍調之曰九萬鵬霄振翼時與君同折月中枝細思淳化持衡者得到于今更有誰

同年貸錢

王晉公初釋褐為僥倖同年白禎為判官積一日以片紙假絡伍環於公公笑曰榜下來婚京國富室豈無半千質物耶俱我撓之故矯耳於簡尾書一絕戲之曰欺天行詐吾何有立地機

關子太平五百青蚨兩家關赤洪崖打白洪崖
人以為朱崖之行亦兆於此

同年相仇

李處邁邯鄲之孫政和初以直秘閣知相州時
聶貴遠山為邵博士王將明甫為決曹掾王聶
同年生也始甚歡而聶於樂籍中有所屬意王
亦耽之每戒不令前聶恨之因而遂成仇怨其
後甫改名黼為相聶以蔡元長稱其剛方有力
薦之改名昌擢為侍從黼大用事貶聶教官安
置衡州益啣黼矣靖康時事大變召登政府黼
之誅死聶有力焉而聶以是歲出使至絳州被
害

相遇贈詩

鄧洵美連山人乾祐六年中進士第與司空昉
少保同年司空先在禁林出使武陵與洵美相
遇贈詩曰憶昔詞場共着鞭當時當谷喜同迂
關河大闊三千里音信稀疎二十年

同年俱少

黃台符十六歲張讀十八歲同年登科在鄭宣
州幕常列題於西明寺之東廡或竊注之曰一
雙同進士兩人阿孩兒

會飲樞等

趙昌言為樞密副使時陳儀與竇儼俱為三司
鹽鐵副使胡旦知制誥院盡同年生俱少年為
一時之俊梁顥又常與同幕五人者旦夕飲會
於樞第茶輻壺矢未嘗虛日每秉醉夜方歸金

吾吏逐夜候馬首聲唱儀以醉繼指其吏曰金
吾不惜夜王漏莫相催於是謗曰陳三更竇半
夜

窮達不同

晁氏子云王文穆欽若以故相來守杭州錢塘
一老尉蒼顏華髮矣文穆初甚不樂之詢其履
歷乃同年生惻然哀之遂封章於朝上持政京
秩尉以詩謝之云當年同試大明宮文字雖同
命不同我作尉曹君作相東風元沒兩般風
故吏

要語

權德輿作杜祐誌曰德輿嘗忝府辟晚聯台座每
荷同升之義盡陳無愧之辭

劉晏爲度支鹽鐵轉運使其商推財用之術皆一時之選故沒後二十餘年韓洄元綉裴腆包佶盧真李衡相繼分掌財賦其有聲音皆晏之故吏也

東漢胡廣與故陳蕃陳咸並爲三司蕃每朝會稱疾避廣時人榮之

通鑑漢桓紀梁冀來勢橫暴所在怨毒朱穆自以冀故吏奏記諫不納

魏志常林傳吉黃爲長陵令時科禁長吏擅去事實

故吏按舉

蘇章遷冀州刺史一人爲清河太守章行部按其姦臧乃請太守爲設酒肴陳平生之好甚歡

太守喜曰人皆有一天我獨有二天章曰今夕
蘇孺文與故人飲者私恩也明日冀州刺史按
事者公法也遂舉正其罪

故吏炎涼

大將軍清曰退而驃騎日益貴大將軍一人門
下多去事驃騎輒得官爵唯任安不肯

坐同朝會

蜀楊洪為蜀郡太守舉門下書佐何祗有才策
數年祗為廣漢太守而洪尚在蜀郡每朝會祗
次洪一洪白君馬何駛祗曰故吏馬不敢駛但
明府未着鞭耳

書戒郎君

晏叔原臨淄公晚子監穎昌府許田鎮手寫自

作長短句上府師韓少師少師報云得新詞
盈 盖才有餘而得不足者願即君指有餘之
才補不足之德不勝門下老吏之望云一監鎮
官敢於杯酒間自作長短示本道太師以大帥
之嚴猶盡門生忠於郎君之禮在叔原為甚厚
在韓公為甚德也出聞見後錄

相逢輒避

王戎故吏多至大官——戎——之出竹林七賢
論

畧不加禮

鞠詠為進士以文受知於王公化基及王公知
杭州詠擢第釋褐為大理評事知杭州仁和縣
符之官先以書及所作詩寄王公以謝平昔獎

進今獲為吏得以文字相樂之意王公不吝及
至任一一課其職事甚急鞠大失望於是
不復冀其相知而專修吏幹矣其後王公入為
參知政事首以詠薦人或問其故荅曰鞠詠之
才不患不達所憂者氣俊而驕我故抑之以成
其德耳鞠聞之始以王公為真相知也出東軒
筆錄

可謂親炙

愈博士也始事相公於祭酒分教東都生也事
相公於東太學今為郎於都官也又事相公居
守三為屬吏經時五年觀道得於前後聽教誨
於左右一一熏而一之矣出韓愈送鄭校理

序

不宜在後

三得爲屬吏朝夕不離門下出入五年竊自許
校典報——門下諸從事——出韓愈上鄭餘
慶書又周子通上知己書如某政術文學誠不
足以備執鞭於左右獨念向者抱閤轅下實事
明公於版曹今與教別都也又事明公居守槩
之舊比似非偶然然則受知於今日而報於異
時固不宜在門下諸從事之從也請以是爲紹
介

寓公

要語

禮記諸侯不臣寓公

語子曰居是邦也事其大夫之賢者

家語子貢曰禮君是邦不非其大夫

事實

願受一廛

有為神農之言也許行自楚之滕踵門而告文
公曰遠方之人聞君行仁政願受一廛而為氓
避堂舍盡

孝惠以曹參為齊丞相參盡召長老諸先生問
所以安集百姓齊故諸儒以百數言人人殊參
未知所定聞膠西有盡公善治黃老言使人厚
幣請之盡公為言治道貴清靜而民自定參於
是避正堂舍盡公為

未付

特為置榻

陳蕃為樂安太守郡人周璆高潔之士前後郡

守招命莫致唯善能致焉字而不名特為置一榻去則懸之

置薤一本

後漢龐參為漢陽太守郡人任棠有志節參到乃先候之棠不與言但以薤一本水一盂置屏前抱孫兒伏戶下參思其微旨曰水欲吾清拔薤欲吾繁強棠抱孫兒當戶下欲吾開門恤孤遂歡息而還

薦其行義

呂正獻公著在穎逾年而歐陽公脩為守初脩以公為相家令子弟少有時譽付公良厚而未甚重也劉原父敞博學有高才王深父回好古君子也二人者皆寓穎公日與相從脩等稍稍

愛公之學識其後備入為翰林學士薦公文學
行義宜在左右因數為朝廷在位者稱之
訪隱者居

錢文僖公自樞密留守西都時朝廷無事都府
多暇錢相與諸公行樂無虛日一日出長夏門
屏騎從同步至午橋訪郭君隱居郭不知為錢
相也草具置酒錢相甚喜不忍去至晚衙騎從
來郭君亦不為動亦不加禮抵暮別去送及門
曰野人未嘗至府廷無從上謁謝錢相悵然謂
諸公曰斯人視富貴為何如可愧也郭君名延
鄉時年踰八十少從張文定呂文穆公游二公
相繼入相薦於朝命以職官不出

無撓公私

蒙陽呂公希哲晚居宿州真揚間十餘年衣食
不給有至絕糧數日者公處之晏然靜坐一室
家事一切不問不以毫髮事託州縣在和州嘗
作詩云除却惜書沽酒外更無一事擾公私閑
居一日讀易一爻通者古今諸儒之說默坐沉
思隨非解釋夜則與子孫討論古今商榷得失
久之方罷

廣志卷之四百六十九

賞賜

天有雨露生育萬物聖人體之則有慶賞之賜焉
是理也見於虞則以五服五章而為命德之天見
於周則以馭群臣之幸而為詔王之柄古人之意
蓋有慶賞不體於天則不得謂之公思賞不本於
天子則不得謂之出于一逮德下衰如秦漢以迄
于代代下之覲賞者有僥倖之恩上之僭賞者有
僭竊之患殆失古人體天詔王之意惟我宋列聖
相承大雖有屬倖門不聞其慶賞之推本於公道
出於朝廷此禮樂自天子出舉無漢唐以來竊位
假寵之患此其由三百年所以敦然允當於人心
也

書車服以庸又曰賞多有厚功

易晉康侯用錫馬蕃庶晝日三接

周禮等差司勳賞掌功之濫以等其功

詩錫予也言所以錫予善人也

周禮大宰以式均節財用八曰匪頒之式謂分賜

群臣

禮記慶賜遂行無有不當又曰見爵賞之施焉又

曰以庸制祿則民興功

詩序凡頒賞地三之一食凡賞田王食一臣食二

唯如田無國征謂既一之又重賜之則無國稅也

邢弓天子錫有功諸侯也

禮記天子之為樂也以賞諸侯之有德者也德盛

而教尊五教時孰然後賞之以樂故其治民勞者

其鼻行綴遠治民逆者其鼻行綴短

左傳賞奸介之誰曰下義其罪止當其奸上下相蒙難與處矣

戰國策上當齊威王一令曰有能面折寡人者受一一獻書凍書受中當諂議於市朝者受下賞大戴記加賜古者議有貢士一適謂之好德再通謂之賢者三適謂之有功乃一九一也

左傳賞縣晉侯縣胥臣以先茅之賞縣士伯以爪行之一賞柏子狄臣千室

事實

賞色

鄭伯一入陳之功賜子展先輅三命之服先八一賜子產次輅再命之服先六邑

賜田

晉侯朝王王一之溫原攢茅之一又漢蘇武自
匈奴來一公一二頃宅一區唐郭子儀前後一
良一美玉名園甲館不可勝紀符璘入朝賜藍
田四十頃于志寧與張行成高季輔俱一志
寧奏臣願以有餘賜不足者帝分田以與二人
元結祖仁基從太宗征遼以功一宜君一二十
頃

賜服

訟或錫之盤帶出易君賜衣服服以拜賜出禮
記大宗伯九儀之命受服出周礼晉侯獻楚俘
于王王一之大輅之一出本傳後郭賀字喬卿
爲荊州刺史有殊政顯宗巡守時嗟嘆賜以三

品服中書令張嘉政仕者佩魚終身白是百官
賞兼袋謂之章服

賜馬

魏公晉侯朝王王享醴賓皆一一三匹非禮也
王命諸侯名位不同礼亦異數不以禮假人平
王賜晉文侯馬四匹後漢世祖所以乘大驪賜
李忠李光顏為梁冀行營節度使臨送珍器
良一王君廊鎮幽州繫突厥俘斬二千獲馬五
十匹入朝帝一所乘一令自廷中乘以出魏證
陳事帝一黃金十斤一二四薛仁貴一以御一
輔公祐據冊陽詔李恭為帥召李靖入朝江南
平一一百匹郭子儀給芻馬二百匹張行成侍
燕一名一一錢十萬衣一稱

賜車

君——馬乘以拜賜出禮記君子來朝何錫予之跽車乘馬出詩

賜玉

號公晉侯朝王皆——五穀虞卿說趙王一見賜白璧 雙黃金百鎰後鍾離意子阿為尚書今交趾太守坐賊詔以其資物頒賜群臣意得珠璣悉委也不拜曰孔子忍渴於盜泉此賊汚物故不敢拜帝嘆之蘇定方滅三國皆生擒其主賞賚珍寶不可勝計李載義賊平詔同平章事——白——帶示殊禮

賜金

王成為膠東王勞來不息宣帝詔增秩——薛

牧交天策府記室上書諫秦王止田獵王荅曰
覽所陳知成於我者卿也明珠兼乘未若一書
一黃一十蕭瑀字勝文遷內史令孜孜抑過純
遠無所憚一黃一一出元宗將以牛仙客為尚
書又欲一實封張九齡曰謹法非有功不封遙
將積穀帛繕器械適所職爾陛下必賞之一帛
可也

賜帛

秦二世一叔孫通一二十四衣一襲明帝時鳳
凰集于蔡一汝南太守一百匹晉張華以平吳
之計賜絹百匹御史大夫蕭瑀劾李靖持軍無
律帝召讓之徐曰故公之罪錄公之功賜絹千
匹既而曰人讚赦公朕今悞矣加賜絹二千匹

屈厥通從平薛仁果珍用山積諸將爭得之通獨無所取帝曰清奉國名實不虛持賚綵千段太宗討高麗先遣張儉輕騎度遼江夏王道宗請以百騎徑約其還日將還會高麗兵繼其路史走間道謁帝如期賜絹千匹又治洛陽官張元素上書極諫詔罷後賜綵二百匹倪若水為汴州刺史玄宗嘗遣中官往淮南捕鵩鵲上疏諫手詔荅曰言念忠諫深用慰喜賜物四十段用荅至言

賜第

唐孔緯字化及遷尚書左僕射賜號持危啓遷保乂功臣鐵券一天興良田善和里一李祐以功遷神武將軍賜宅河間王孝恭討輔公祐生

擒之江南平一甲一一區剋幽求誅常廢人功
以一區五代李守貞以功拜平章事一以
楊先遠舊一守貞取官旁民舍大治之為京師
之甲帝出臨幸燕錫恩禮出於諸將

賜劔

漢衛綰淳謹景帝一之一辭曰先帝一臣一凡
六不敢奉詔

賜錢

漢張武為郎中令受金錢事覺文帝更發金錢
賜之以愧其心蘇武自匈奴來一一二百萬祭
彤為遼東太守三十年嘉其功一一百萬館陶
公主為子求郎明帝不許而一一百萬

賜穀

章帝詔寵頒毛義——千斛唐袁悒字耀卿為
郎中令卒太宗為之流涕——三千斛一窖

銅山

鄧通無他能文帝愛之賞賜至多復賜蜀郡——
——得私鑄錢鄧氏錢因滿天下

金穴

後郭況為大鴻臚賞賜金錢錦帛豐盛莫比京
師號曰——

散餘賦

大府以——之——以待賜予出周禮

藏盟府

夫賞國之典也——在——不可廢也出左傳

班宗彙

武王朝諸侯一一一作分畧出書

分寶玉

事見親王類寶玉展親下

以春夏

古之治人賞一一一將賞為之加膳加膳則飫

賜出荀子

賜虎賁

晉文獻楚俘于王命為侯一一一三百人出左

傳漢冊魏公文君秉國之鈞正色處中纖毫之

怒靡不抑退是用錫君虎賁之士三百人

賜女樂

後東都平一竇抗一一一一部唐李晟蕩夷凶惡

一一一一列戴休顏京師平後乘輿至京師一

河間王孝恭討輔公祐生擒之江南平

二部

賜佩刀

太宗曰正觀以前從武定天下周闢草昧玄齡功也正觀之後納忠諫正朕遠國家長利魏證而已雖古名臣亦何以加解佩刀以賜二人

賜胡瓶

賜李大亮一一云乃朕所自御

金削刀

齊徐聃字將道八歲能文太宗召試賜所佩

賜貂裘

裴矩助城伊吾屠處羅入朝帝喜一一西胡

珍器

賜錦袍

張長遜討薛舉不待命輒引兵會——金甲
賜魚袋

唐高宗給——五品以上隨身銀——以防召命
之詐出內必合之三品以上金飾垂拱中初督
刺史始——天授二年改佩魚皆為龜其後三
品以上龜飾以金四品以銀五品以銅中宗初
罷龜袋復給以魚郡王詞王亦佩金魚袋
加金紫

唐劉餗字鼎卿進敝州刺史致幹強濟野娼將
爲虎噬幼女呼號呼搏虎俱免觀察使韓滉表
治有異行——

賜金紫

李從晦出為常州刺史鎮海軍節度使李琢表
其政一一

賞朱紫

唐初一一者服於軍中其後軍將亦賞以假
緋紫有從缺髻之服出車服志

靈壽杖

李靖乞骸骨賜一一

功疑惟重

功疑惟重出禹謨

輕重視功

凡賞無常一一

天子禮樂

昔者周公有大勲勞於天下成王賜以——
——並出禮記

士田附庸

王曰叔父建爾元子俾侯于魯乃命魯公俾侯
子東賜之山川——

四牡鈞膺

王錫中伯——踟蹰——濯濯

淑旂綏章

王錫韓侯————輦茀錯衡玄衮赤舄鉤膺

鏤錫鞶鞶淺鞶並出詩

土田羹器

奉之以——撫之以——

車服文章

旌之以一一明之以一一並出左氏傳

弓矢鉞鉞

諸侯賜一一然後征賜一一然後殺出禮記平生賜晉文侯彤弓一彤矢百旅弓十旅矢千普文侯獻楚俘于王王賜之鉞鉞征彼不懷權德輿劉濟銘天子賜以寶劔金甲彤弓盧矢渾瑊拜奉天行營副元帥帝臨軒授鉞用漢拜韓信故事制曰寇賊千紀授爾節鉞以戡多難往欽哉清泰二年馬希範襲殷官爵封楚王賜以弓矢冠劔

拒宅圭璜

賜圭璜然後宅未賜圭璜則資宅於天子平王錫晉文侯一一一文公獻楚俘于王賜拒宅

冕服非德

錫命而懌

三賞後及

晉文公從亡賤臣壺叔曰君三行賞不及臣公曰夫導我以仁義防我以德惠此受上賞輔我以行此受次賞矢石之難汗馬之勞此復受次賞若以力事我而無補吾缺者此受此賞

之。且。子。晉。人。聞。之。皆。悅。出。史。記。

後。未。示。信。

秦。商。君。變。法。恐。人。未。信。乃。於。市。南。門。募。人。徒。置。北。門。者。予。五。十。金。有。一。人。徒。之。與。五。十。金。

以。一。一。

厲。精。信。賞。

漢。宣。帝。一。一。益。治。一。一。必。蜀。

封。鄧。千秋。

漢。高。帝。群。臣。爭。功。鄧。千秋。曰。蕭。何。功。第。一。曾。參。次。之。帝。曰。何。雖。有。功。待。鄧。君。而。後。明。乃。一。一。一。為。平。安。侯。

賞。魏。無。知。

封。陳。平。為。戶。賭。侯。辭。曰。非。魏。無。知。臣。安。得。進。石。

後

賜王黑餐

魏錄武帝時遷相國文帝在東宮錄
為之銘曰於赫有魏作漢藩輔厥相惟鍾是幹
心齊

賜古人服

魏太祖平柳城班所獲器特以素屏風憑几賜
毛玠曰以君有古人之風故一以一一之一

賜荀漢紀

太宗一李大亮一悅一一曰悅議論深博極為
政之體公宜繹味之

賜清廟器

李珣牛公碑特一一六事皆範金飾玉如

亡諸梁宣王以卿精忠用 賜別

襲賜袍帶

契苾明征吐蕃以戰多進左威衛大將軍一封

一錄一實一他物繫繫

親解銀裘

帝一一一及中庭馬賜帛挺

金幣什器

秦王誅齊王元吉蔚遲敬德論第一以齊府一

一一一賜焉

帷帳什器

令狐彰字伯陽 壁杏園渡史思明疑之遣薛

崇以兵却彰彰詭衆以大誑皆感附死力遂破

崇兵潰圍出以魔 數百人朝賜中第

一拜滑毫魏博節度使

撲恩特賜

帝顯立上言比詔封家所入已寡國初功臣共
定天下食封不三十家今一一一家至百四
十以上

何惜賜公

突厥攻大原詔鄭元琦持節往勞元琦既至日
今掠財資皆入所部豈若仆旗接好則金玉重
幣一歸可汗頗利賞其言引還太宗賜書曰知
公口伐可汗如約朕一一金玉一一哉
宣賜軍錢

田弘正字安道遣裴度一慰一其一一百五十
萬緡弘正奉表陳謝且賜令名

分賞戰士

明皇在蜀以七寶鞍賜張后李泌以
縮衣節口

今天子以賞將士出杜牧燕將錄

賜鍾乳劑

高馮敷上書言得失辭誠功至帝
曰卿進藥石之言朕以藥石相報

紫袍龜帶

狄仁傑轉幽州都督賜
十二於袍以旌其忠

御袍犀帶

鄭畋屯渭橋再進司空兼門下侍郎京城四面
行營都統賜
拜而不賀

治則重書

畢構字隆擇按察劍南睿宗嘉構修潔德行有
古人風其一術正為諸使最乃一一袍帶
加賜實封

劉幽求拜侍中璽詔曰昔西漢行封更擇多戶
東京定賞復增大邑宜一一二百戶

賜戶三百

唐林瑑授同中書門下三品酒泉郡公謂曰初
欲召公計事以有北狄憂前日直言今未忘也
加特進尚書左僕射一邑一一

錫與踵塗

詳見賞軍錢下注

資獎優幸

李德裕字文饒數召見

不貲降澤

至忠曰陛下降不貲之澤近歲無涯之請

為脂粉費

玄宗貴妃楊氏諸姨上食樂作帝驟賜古不

可貲由是愈見寵賜諸姨錢歲百萬

帝所得奇珍及貢獻分賜之

獻瓜果官

陸贄從德宗幸梁道有者帝嘉其意欲

授試贄曰爵位天下公器不可輕也信賞必

罰伯王之資也

賞務速勸

柳完元論而後有所使秋冬為善春

夏後賞則為善者必怠必不越月踰時而得其
賞則人勇而有勸焉

表庸勵行

陳子昂八科六勸曰臣不賞不可勸功死士不
賞不可勸勇今或勸勞死難名爵不及偷勞尸
祿寵秩妄加非所以一一一者也

帛堆粟塞

韓聖德詩優賞將吏扶珪綴組一一其家一一
其庾

賞懸香餌

一一一令布疾雷出柳文

賜于闐玉帶

李靖破蕭銑一一一一十三勝七方六利勝

各附環以金附之

賜通天御帶

裴度往淮西臨遣

列山河之賞

唐中宗賞張仁愿制曰將師興功本期於邦國
帝王懸賞用答於時庸右屯衛大將軍張仁愿
薊門作牧榆塞總兵橫却月於天街副長雲於
地脉宜，，，，式崇帶礪之榮進封韓國
公賜物三百段及衣裳一副出初學記

論厚賞之過

杜牧論戰小勝則張皇其功奔奏獻狀以邀賞
或一日再賜一月累封凱還未散詩品已崇爵
命極矣田宮廣矣金縢溢矣子孫官矣肯外死

勤於我哉此

借賞兼數官

郭子儀拜尚書令諫言自用兵以來者多
至冒進亡耻今完醜略平乃作法審官
之時宜從老臣始

留爲富貴地

黃巢亂江淮遷劉巨容爲山南東道節度使以
扞巢巢浮江東奔率十將八臣客止之曰國家
多負人有危難不愛惜官賞事平即忘不如
賊以故巢復熾

出器幣緡錢

太祖開寶九年召隨州留守王全斌授武寧軍
節度初全斌以伐蜀私取財物貶秩至是太祖

謂之曰朕以金陵未可常慮平吳諸將恣行貪
暴今江南既平還鄉旄鉞又別一一一數
萬賜之出寶訓

出牡丹千葉

仁宗天聖中晁迥除翰林學士承旨常夜召對
上令內侍執御前巨燭送歸院他日曲宴
一一一者賜宰臣上顧迥與學錢惟演亦皆賜
之

雪霰賜裘帽

太祖將帥發京師時京師大雪上設氍毹於講
武殿衣紫貂裘帽曰我披裘如此尚覺寒而征
將軍衛犯一一何以堪處即一一遣中黃門
驛賫以賜王全斌全斌拜賜感泣出長編

冬至賜御筵

元祐四年呂公著求去詔建府第於東府之南
啓扣北扉以便執政會議三至經筵三日一朝
非朝日不至都堂————於私第
功當遷不與

太祖時臣下立——上素嫌其人——趙普
曰賞以酬勞古今之通議也陛下豈得以喜怒
專之上寤其奏

欲邀求聽

真宗內臣劉承珪欲求節度使上諭王旦旦曰
祖宗典故無所不可聽也若聽承珪所請必有
邀求樞密者矣此必不可乃止

賞須有所自

貞宗保平節度使石保吉求兼相印上問李沆
曰典之行——保吉無功戰之勞驟據
台席恐驕物議他日詢之固執如初
賞非常人則徵幸衆

蘇紳言——其——者——

惜名器則人知勸

蘇軾言凡為天下國家當愛——則斗升之
祿足以鼓舞豪傑否則日拜卿相而人不勸此
人主操術安危之機也